



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : HKUGA PRIMARY SCHOOL

**學校名稱** : 港大同學會小學

**Name of Play 劇名** : 最遙遠的近距離

**Script writer 劇作者** : 蔡松合

**Synopsis 故事大綱：**

一位事業心重又工作忙碌的女兒，經常疏忽照顧年老的母親。有一天，女兒如常外出工作。但母親因為有認知障礙症，以為自己的女兒還在幼稚園上學，於是乎老遠跑到中上環去接女兒放學。途中遇上幾位正在進行城市定向的中學生，他們需要籍著一些謎語去尋找一些中上環區的建築或地標。母親對於新事情轉眼就忘記，但對舊事物或典故瞭若指掌，協助中學生們把難題一一迎刃而解，令同學們更加認識自己所生活的社區。但母親在比賽最後關頭因體力不支暈倒，同學們一同協助母親到幼稚園接放學。到了幼稚園，完全找不到她女兒的任何記錄，母親激動下暈倒入院。女兒知道母親千辛萬苦都要接到二十年前的她放學，才醒覺自己虧欠了母親。並且願意放下工作，陪伴母親一同走下去。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第一場**

地點：上環西港城附近

時間：早上

人物：晉，詩，興，婆，青年 1，青年 2

女：最遙遠的近距離

第一場 上環西港城附近

（一位老婆婆拿著破爛的兩傘背著一個小背囊，正在追著一位青年）

青年 1： 你唔好跟住我 啦！

婆： 你幫下我啦！

青年 2： 我真像唔知道喺邊度呀！我都同啲隊友失散咗，唔得閒幫你呀！

婆： 我好趕時間，幫下手吖！

青年 1： 我都好趕時間嚇，我哋玩緊”City Hunt”，唔得閒招呼你，問過第二個啦。。！

婆： 咩亨嘩？

青年 2： City hunt 即系城市定向呀！要系上環區用最快時間搵曬全部 checkpoint!!

婆： 啊！。。你求其話我知點行去就得架啦！！

青年 1+2： 哎呀！。。我比緊賽架！

（此時兩組參加城市定向賽的青年相遇）

青年 1： 咦！也咁岩呀！

興： 原來系你。。？咦！你啲隊友呢？

青年 2： 咩呀，我哋分頭行事啫！

青年 1： 系喎！今次比賽唔好亂食野啦！

興： 我食咩關你咩事呀！

青年 1： 如果唔系又肚痛㗎啦！

青年 2： 攞到返唔到終點就無謂啦。。哈哈！上次個三文治系咪好正呢！

興： 噢！原來上次個三文治系你加咗料！

晉： 唔好同佢嘈！

詩： 我地冇乜時間啦！

青年 1： 咁呀系呀！要快啦。。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

青年 2： 我地仲有兩個 check point 喳！你地慢慢嚇！ Bye Bye!

興： 我地今年唔可以再輸比班衰人架啦！

（在上環有很多年青人拿著手機，在街道上走來走去。更有些在馬路上穿來插去險象環生，原來正進行城市定向的活動。此時舞臺上有一隊參賽隊伍出現）

晉： （看著手機）有問題啦！上環最多人擺酒結婚嘅街市喺邊嘢？

詩： 會有人喺街市擺酒結婚嘅咩？

興： 只要你鐘意。。你喺廁所擺酒都得㗎！

晉： 快啲上網 check 嚇啦！

興： Check 啦！

詩： Check 咪 check 囉！街市擺酒。。有啦，有啦！西港城嘅前身係舊上環街市，喺 1906 年興建嘅。

興： 咦！咪即系哩到囉！

晉： 系呀！冇錯，打埋咭先！

詩： 攞掂！

興： 我都攞掂！估唔到話咁快又搵咗一個 check point！

晉： 無論如何，我哋今次一定要贏！

詩： 上次唔係因為肥仔興臨尾肚痛，我哋洗輸比班衰人！

興： 上次食錯野，今日一定唔會！

晉： 好！今日無論幾肚痛，都要忍到贏為止！（望著手機）下一個 check point 嘅提示系。。上環最多不明氣體嘅地方？

詩： 最多不明氣體。。仲唔係公廁！。。上環最多公廁架啦！

興： 嘩！我話就應該系.....文武廟

晉： 最多不明氣體。。不明氣體。。最多氣體？。。吖。。最。。多。。戲睇！

詩和興： 咩呀！？

晉： 最。。多。。戲。。睇呀！

詩和興： （被一言驚醒）上環文娛中心！

晉： yes！文娛中心劇院咪最多戲睇囉，快啲去。。。！

晉： 咁就快啲打埋咭先啦！

詩： 上環文娛中心。。系哩到啦！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

興：攞掂！而家仲有四個 check point!

婆：唔該你地可唔可以幫個忙呀？

晉：有咩事呀婆婆？

婆：咩婆婆呀！我而家好老咩！

晉：哈哈！哩位太太，有咩可以幫到你呢？

婆：我想問去牛奶公司行邊處呀？

興：牛奶公司？

婆：你哋知唔知系邊呀？

（三人互望）

晉：我地上網幫你查下啦！（指示阿詩上網找）

詩：吖！搵到啦！你要搵牛奶公司，即系而家慨藝穗會！

藝穗會前身系牛奶公司喇冷藏庫嚟，因為荒廢咗好多年，政府就收咗佢來舉辦藝穗節之後就變成藝穗會啦！

婆：都唔知妳噃！

晉：太太呀！。。！

婆：叫我阿 May！

晉：May 姐姐妳等等，你系咪要去嗰度。

婆：哩到系邊道呀！

興：上環呀！

婆：嚇！

晉：哩到咪上環文娛中心！

婆：系喎！但條點解對面 d 鋪頭，我都唔認得嘅？唔緊要啦！我趕住去接放學呀！

（此時婆婆好像體力不支暈一暈）

晉：May 姐姐！你有事吖嘛？不如妳坐低休息下啦！

婆：唔洗唔洗！我趕住接放學呀！

興：要快啦！我地仲有四個 checkpoints。

晉：下一站 慨提示系。。上環有間麥當奴開慨中醫！

興：邊間呀！

詩：會唔會條麥當奴道慨一間中醫呀！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- 興： 麥當奴道都唔系喺上環！
- 婆： 我知邊喎！
- 眾： 妳知。。？
- 婆： 話比你 哋知都得，但系你哋要扶我上荷李活道！
- 晉： 好呀！冇問題！
- 婆： 系東華醫院呀！
- 詩： 東華系麥當奴開慨咩！系咪架？
- 婆： 你地啲後生慨，淨系識用手机 check 哩樣，check 個樣！上網搵番黎啲嘢又唔知真定假。話你知啦。。東華醫院系港督麥當奴撥錢起慨，上環系得哩間醫院先至有中醫睇架！九乘九系東華！
- 興： 系咪架？
- 晉： 系咪！？。。行上去睇下咪知囉！（已先起行）
- 婆： 喂！邊個預我上荷李活道啊！
- 晉： 肥仔興！呢個重任交比你，我地上去打咭先！
- 興： 有冇攞錯呀！
- 婆： 你預我啦！
- 興： 咩話。。預你！。。好！幫我攞住部電話先！沖呀。。！